

Članak 175.

Zatečeni nastavnici srednje škole sa 15 i više godina radnog iskustva u nastavi, koji se ističu svojim stručnim i pedagoškim radom i koji su ocijenjeni najvišom ocjenom, mogu brže napredovati, odnosno steći nastavničko zvanje, utvrđeno posebnim propisom, koji proizlaze iz ovog zakona.

Članak 176.

Stupanjem na snagu ovog zakona prestaje da važi na području Tuzlansko-podrinjskog kantona Zakon o srednjoj školi ("Sl. list Socijalističke Republike Bosne i Hercegovine" br. 39/90 i "Sl. list Republike Bosne i Hercegovine" br. 3/93, 24/93 i 13/94).

Članak 177.

Ovaj zakon stupa na snagu danom objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Sabor

Broj: 01-011-224-5/96
Tuzla, 13. kolovoza 1996. g.

Predsjedatelj
Saborom
Tuzlansko-podrinjskog
kantona,
Mustafa Ramić, v.r.

199

Na osnovu člana 24. stav 1. tačka e), a u vezi sa članom 11. tačka c) Ustavnog Zakona Tuzlansko-podrinjskog kantona ("Sl. novine Tuzlansko-podrinjskog kantona" br. 1/94), Skupština Tuzlansko-podrinjskog kantona, na prijedlog Vlade Tuzlansko-podrinjskog kantona, na sjednici od 13. avgusta 1996. godine, donosi

ZAKON

O INSPEKCIJI ZA OBRAZOVANJE

Član 1.

Ovim zakonom uređuje se inspekcijski nadzor nad izvršavanjem zakona, drugih propisa, općih i pojedinačnih akata, normativa i standarda iz oblasti obrazovanja i odgoja u obrazovno-odgojnim ustanovama i drugim pravnim osobama koje obavljaju djelatnost obrazovanja i odgoja na teritoriji Tuzlansko-podrinjskog kantona (u daljem tekstu: Kanton), kao i ovlašćenja i dužnosti inspektora u vršenju inspekcijskog nadzora.

Član 2.

Inspekcijski nadzor, iz člana 1. ovog zakona, odnosi se naročito na:

1. ostvarivanje osnovnog obrazovanja i odgoja;
2. postojanje propisanih uslova za rad obrazovno-odgojnih ustanova i drugih pravnih osoba koje obavljaju djelatnost obrazovanja i odgoja (u daljem tekstu: obrazovno-odgojne ustanove);
3. ostvarivanje obrazovno-odgojne odnosno naučno-nastavne djelatnosti;
4. upotrebu odobrenih nastavnih planova i programa, udžbenika i drugih nastavnih sredstava;
5. uslove za upis u obrazovno-odgojnu ustanovu;
6. vođenje propisane evidencije i dokumentacije;
7. primjenu odgojno-disciplinskih mjera prema učenicima, odnosno disciplinskih mjera zbog povrede radne dužnosti i neizvršavanja obaveza prema studentima.

Član 3.

Poslove inspekcijskog nadzora iz člana 1 i 2. ovog zakona vrši Ministarstvo za obrazovanje, nauku, kulturu i sport (u daljem tekstu: Ministarstvo).

Poslove inspekcijskog nadzora, u okviru nadležnosti Ministarstva, vrši inspektor za obrazovanje (u daljem tekstu: inspektor).

Inspektora postavlja ministar za obrazovanje, nauku, kulturu i sport (u daljem tekstu: ministar).

Član 4.

Inspektor obavlja inspekcijski nadzor i odlučuje o preduzimanju upravnih i drugih mjera.

Samostalnost inspektora u smislu odredaba stava 1. ovog člana, ne isključuje pravo rukovodnog radnika koji rukovodi radom inspekcije za obrazovanje, da izdaje naređenja inspektorima za obavljanje inspekcijskog nadzora.

Član 5.

Ovlašćenje za obavljanje inspekcijskog nadzora, inspektor dokazuje posebnom legitimacijom.

Oblik i sadržaj legitimacije inspektora propisuje Vlada Tuzlansko-podrinjskog kantona (u daljem tekstu: Vlada) pravilnikom o legitimaciji inspektora za obrazovanje, a izdaje je inspektorima ministar.

Pravilnik o legitimaciji inspektora za obrazovanje donosi Vlada.

Član 6.

Za inspektora može biti postavljena osoba koja, pored općih uvjeta, ispunjava i sljedeće posebne uvjete:

- da ima visoku stručnu spremu (završen fakultet nastavničkog smjera, pedagoški fakultet i slično, prirodno-matematički, filozofski ili pravni fakultet, odnosno jedan od fakulteta društvenog smjera, najmanje pet godina radnog iskustva u struci i položen stručni ispit.

Član 7.

U postupku vršenja inspekcijskog nadzora obrazovno-odgojna ustanova dužna je u vrijeme vršenja nadzora, na zahtjev inspektora bez odlaganja, omogućiti mu:

- Neposredan uvid u rad obrazovno-odgojne ustanove, u pogledu izvršavanja zakona, drugih propisa i općih akata;
- pregled poslovnih prostorija i drugih objekata u kojima se odvija obrazovno-odgojni rad;
- pregled učila, opreme, nastavnih sredstava i namještaja, koji se upotrebljavaju u obrazovno-odgojnom radu;
- uvid u dokumentaciju koja se odnosi na obrazovno-odgojni rad;
- uvidu u matične knjige, razredne (odjeljenjske) knjige, dokumentaciju o obavljenim ispitima i drugu dokumentaciju o obrazovno-odgojnom radu obrazovno-odgojne ustanove;
- uvid u isprave i druga dokumenta i da vrši druge radnje u skladu sa svrhom inspekcijskog nadzora.

Član 8.

U vršenju poslova inspekcijskog nadzora inspektor je ovlašćen naročito da:

1. naredi obrazovno-odgojnoj ustanovi primjenu zakona, drugih propisa i općih akata donesenih na osnovu zakona;
2. zabrani izvršenje nezakonitih odluka;
3. naredi otklanjanje nedostataka prouzrokovanih primjenom nezakonitih mjera, odnosno povredom zakona, drugih propisa i općih akata;

4. privremeno obustavi rad obrazovno-odgojne ustanove u skladu sa zakonom.

Član 9.

Inspektor je dužan da u toku godine obavi najmanje po dva inspekcijska pregleda u obrazovno-odgojnoj ustanovi.

Član 10.

Prilikom obavljanja inspekcijskog nadzora inspektor utvrđuje identitet osoba, saslušava odgovorne osobe i svjedoke.

Tokom vršenja nadzora, odgovorna osoba obrazovno-odgojne ustanove, obavezna je prisustvovati u svim fazama inspekcijskog nadzora ili osigurati ovlašćenu zamjenu.

O službenim radnjama, izvršenim prilikom inspekcijskog nadzora, inspektor je obavezan sačiniti zapisnik ili službenu zabilješku, u skladu sa odredbama Zakona o općem upravnom postupku.

Ako se u trenutku kontrole ne može osigurati odgovorna osoba, inspektor će na licu mjesta ostaviti poziv da u roku od tri dana a izuzetno od sedam dana, odgovorna osoba mora biti u naznačeno vrijeme u objektu.

Član 11.

Obrazovno-odgojna ustanova, nad čijim radom se vrši inspekcijski nadzor dužna je da, na zahtjev inspektora, dostavi tražene podatke koji su potrebni za obavljanje poslova iz djelokruga rada inspektora i dozvoli vršenje inspekcijskog nadzora.

Član 12.

Inspektor prilikom obavljanja inspekcijskog nadzora uzima u razmatranje prijave i izjave radnika i građana u vezi sa primjenom zakona, drugih propisa i općih akata koji se odnose na obrazovno-odgojnu djelatnost.

Član 13.

Ako inspektor utvrdi da su povrijeđeni ili da nisu primjenjivani propisi, čije izvršenje nadzire, ima pravo i obavezu da:

- Naloži da se utvrđene nepravilnosti i nedostaci otklone u određenom roku, o čemu donosi pismeno rješenje;
- izrekne i naplati kaznu ukoliko je za to odgovarajućim propisom ovlašćen;
- preduzme druge mjere odnosno radnje, za čije je izvršenje ovlašćen.

Član 14.

Inspektor izdaje rješenje o privremenoj zabrani rada obrazovno-odgojne ustanove samo ako je za to ovlašćen posebnim propisom.

Ova mjera može trajati najduže tri mjeseca ako posebnim propisom nije drukčije određeno.

Član 15.

Ako inspektor utvrdi da je povredom propisa učinjen prekršaj ili krivično djelo, obavezan je odmah a najduže u roku od tri dana podnijeti zahtjev za pokretanje prekršajnog postupka, odnosno prijavu za pokretanje krivičnog postupka.

Član 16.

Inspektor rješenjem naređuje izvršenje određenih mjera i rok za njihovo izvršenje.

Član 17.

Protiv rješenja o određivanju upravne mjere, koju je, u skladu ovim zakonom ili drugim propisom donio inspektor,

može se uložiti žalba ministru u roku od 8 dana od dana dostavljanja rješenja.

Žalba protiv rješenja iz stava 1. ovog člana odlaže izvršenje rješenja ako zakonom nije drukčije određeno.

Član 18.

Žalba ne odlaže izvršenje rješenja koje se odnosi na:

1. izvršavanje obaveze redovnog osnovnog obrazovanja i odgoja školskih obveznika;
2. ostvarivanje prava na školovanje;
3. statusna pitanja učenika i studenata;
4. zabranu rada obrazovno-odgojnih ustanova i njihovih odjeljenja koja nemaju odobrenje za vršenje djelatnosti;
5. produženje nastave radi ostvarivanja zakonom utvrđenog broja nastavnih radnih dana i nastavnih sati;
6. zabranu daljeg obavljanja ispita;
7. zabranu upotrebe neodobrenih udžbenika i drugih nastavnih sredstava i
8. zabranu održavanja nastave po neodobrenom nastavnom planu i programu.

Član 19.

Nadležni organ unutrašnjih poslova, pod uvjetima i na način utvrđen zakonom, dužan je osigurati službene osobe u cilju zaštite inspektora prilikom obavljanja poslova iz svoje nadležnosti.

Član 20.

Novčanom kaznom od 1.000 do 4.000 DEM kazniće se za prekršaj obrazovno-odgojna ustanova ako inspektoru, u vrijeme vršenja nadzora, ne omogući nesmetano vršenje nadzora, shodno odredbama člana 7. ovog zakona.

Za prekršaj iz stava 1. ovog člana kazniće se i odgovorna osoba u obrazovno-odgojnoj ustanovi odnosno druga pravna osoba novčanom kaznom od 500 do 2.000 DEM.

Član 21.

Novčanom kaznom od 1.000 do 4.000 DEM kazniće se za prekršaj obrazovno-odgojna ustanova ako uskrati davanje traženih podataka, da netačne podatke ili izbjegava kontrolu (član 11. ovog zakona).

Za prekršaj iz stava 1. ovog člana kazniće se i odgovorna osoba u obrazovno-odgojnoj ustanovi odnosno druga pravna osoba novčanom kaznom od 400 do 1.500 DEM.

Član 22.

Novčanom kaznom od 1.000 do 4.000 DEM kazniće se za prekršaj obrazovno-odgojna ustanova ako ne postupa po mjerama odnosno radnjama inspektora za obrazovanje (član 12. ovog zakona).

Za prekršaj iz stava 1. ovog člana kazniće se i odgovorna osoba u obrazovno-odgojnoj ustanovi odnosno druga pravna osoba novčanom kaznom od 400 do 1.500 DEM.

Član 23.

Novčana kazna izrečena za prekršaje iz člana 20, 21 i 22. ovog zakona utvrđena u DEM, naplaćuje se u DEM ili u dinarskoj protivvrijednosti po kursu Narodne banke Bosne i Hercegovine na dan uplate.

Član 24.

Pravilnik o legitimaciji inspektora za obrazovanje, predviđen članom 5. ovog zakona, Vlada će donijeti u roku od 60 dana od stupanja na snagu ovog zakona.

Član 25.

Ovaj zakon stupa na snagu danom objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština

Broj: 01-011-225-3/96
Tuzla, 13. avgusta 1996. g.

Predsjedavajući
Skupštinom
Tuzlansko-podrinjskog
kantona,
Mustafa Ramić, v.r.

199

Na osnovu članka 24. stav 1. točka c), u s vezi s člankom 11. točka c) Ustavnog Zakona Tuzlansko-podrinjskog kantona ("Sl. novine Tuzlansko-podrinjskog kantona" br. 1/94), Sabor Tuzlansko-podrinjskog kantona, na prijedlog Vlade Tuzlansko-podrinjskog kantona, na sjednici od 13. kolovoza 1996. godine, donosi

ZAKON

O INSPEKCIJI ZA OBRAZOVANJE

Članak 1.

Ovim zakonom uređuje se inspeksijski nadzor nad izvršavanjem zakona, drugih propisa, općih i pojedinačnih akata, normativa i standarda iz oblasti obrazovanja i odgoja u obrazovno-odgojnim ustanovama i drugim pravnim osobama koje obavljaju djelatnost obrazovanja i odgoja na teritoriji Tuzlansko-podrinjskog kantona (u daljem tekstu: Kanton), kao i ovlaštenja i dužnosti inspektora u vršenju inspeksijskog nadzora.

Članak 2.

Inspeksijski nadzor, iz članka 1. ovog zakona, odnosi se naročito na:

1. ostvarivanje osnovnog obrazovanja i odgoja;
2. postojanje propisanih uvjeta za rad obrazovno-odgojnih ustanova i drugih pravnih osoba koje obavljaju djelatnost obrazovanja i odgoja (u daljem tekstu: obrazovno-odgojne ustanove);
3. ostvarivanje obrazovno-odgojne, odnosno znanstveno-nastavne djelatnosti;
4. uporabu odobrenih nastavnih planova i programa, udžbenika i drugih nastavnih sredstava;
5. uvjete za upis u obrazovno-odgojnu ustanovu;
6. vođenje propisane evidencije i dokumentacije;
7. primjenu odgojno-disciplinskih mjera prema učenicima, odnosno disciplinskih mjera zbog povrede radne dužnosti i neizvršavanja obveza prema studentima.

Članak 3.

Poslove inspeksijskog nadzora iz članka 1 i 2. ovog zakona vrši Ministarstvo za obrazovanje, znanost, kulturu i sport (u daljem tekstu: Ministarstvo).

Poslove inspeksijskog nadzora, u okviru nadležnosti Ministarstva, vrši inspektor za obrazovanje (u daljem tekstu: inspektor).

Inspektora postavlja ministar za obrazovanje, znanost, kulturu i sport (u daljem tekstu: ministar).

Članak 4.

Inspektor obavlja inspeksijski nadzor i odlučuje o poduzimanju upravnih i drugih mjera.

Samostalnost inspektora u smislu odredaba stava 1. ovog članka, ne isključuje pravo rukovodnog djelatnika koji rukovodi

radom inspekcije za obrazovanje, da izdaje naređenja inspektorima za obavljanje inspeksijskog nadzora.

Članak 5.

Ovlaštenje za obavljanje inspeksijskog nadzora, inspektor dokazuje posebnom legitimacijom.

Oblik i sadržaj legitimacije inspektora propisuje Vlada Tuzlansko-podrinjskog kantona (u daljem tekstu: Vlada) pravilnikom o legitimaciji inspektora za obrazovanje, a izdaje je inspektorima ministar.

Pravilnik o legitimaciji inspektora za obrazovanje donosi Vlada.

Članak 6.

Za inspektora može biti postavljena osoba koja, pored općih uvjeta, ispunjava i slijedeće posebne uvjete:

- da ima visoku stručnu spremu (završen fakultet nastavničkog smjera, pedagoški fakultet i slično, prirodoslovno-matematički, filozofski ili pravni fakultet, odnosno jedan od fakulteta društvenog smjera, najmanje pet godina radnog iskustva u struci i položen stručni ispit.

Članak 7.

U postupku vršenja inspeksijskog nadzora obrazovno-odgojna ustanova dužna je u vrijeme vršenja nadzora, na zahtjev inspektora bez odlaganja, omogućiti mu:

- Neposredan uvid u rad obrazovno-odgojne ustanove, u pogledu izvršavanja zakona, drugih propisa i općih akata;
- pregled poslovnih prostorija i drugih objekata u kojima se odvija obrazovno-odgojni rad;
- pregled učila, opreme, nastavnih sredstava i namještaja, koji se uporebljavaju u obrazovno-odgojnom radu;
- uvid u dokumentaciju koja se odnosi na obrazovno-odgojni rad;
- uvid u matične knjige, razredne (odjeljenjske) knjige, dokumentaciju o obavljenim ispitima i drugu dokumentaciju o obrazovno-odgojnom radu obrazovno-odgojne ustanove;
- uvid u isprave i druge dokumente i da vrši druge radnje sukladno sa svrhom inspeksijskog nadzora.

Članak 8.

U vršenju poslova inspeksijskog nadzora inspektor je ovlašten naročito da:

1. naredi obrazovno-odgojnoj ustanovi primjenu zakona, drugih propisa i općih akata donesenih na osnovu zakona;
2. zabrani izvršenje nezakonitih odluka;
3. naredi otklanjanje nedostataka prouzrokovanih primjenom nezakonitih mjera, odnosno povredom zakona, drugih propisa i općih akata;
4. privremeno obustavi rad obrazovno-odgojne ustanove sukladno s zakonom.

Članak 9.

Inspektor je dužan u toku godine obaviti najmanje po dva inspeksijska pregleda u obrazovno-odgojnoj ustanovi.

Članak 10.

Prilikom obavljanja inspeksijskog nadzora inspektor utvrđuje identitet osoba, sasluša odgovorne osobe i svjedoke.

Tijekom vršenja nadzora, odgovorna osoba obrazovno-odgojne ustanove, dužna je prisustvovati u svim fazama inspeksijskog nadzora ili osigurati ovlaštenu zamjenu.